

25. januar 2019

UPA2019/189

Inatsisartut suleriaasianni § 33 naapertorlugu Naalackersuisut peqquneqarnissaannik Inatsisartut aalajangiiffigisassatut siunnersuut matumuuna imaattoq saqqummiuppara:

**Nunaqarfinni innuttaasut peqqinnissaqarfiup allalluunniit assingusumik piginnaaneqartut ingerlatassaannik inuunernik peqqinnermillu annaassiniarluni ikiueqqaarnernik pikkorissartinneqartalernissaannik pisariaqartitsinernik periarfissanillu Naalackersuisut peqquneqarnissaannik Inatsisartut aalajangiiffigisassaattut siunnersuut.**

**Misissuineq ukioq 2019 naatinnagu qanoq aningaasalersorneqarnissaanut pisariaqartitsinerit periarfissallu Inatsisartunut saqqummiunneqassaaq.**

(Inatsisartunut ilaasortaq, Doris J. Jensen, Siumut)

**Tungavilersuut:**

Nunaqarfinni ajutoortoqartillugu isumalluutaasinnaasut illoqarfinnisulli amerlatiginngillat. Amerlasuutigut nunaqarfimmi peqqissaavimmi sulisoq ilinniarsimasoq ataasiinnaasarpoq taannalu aasaanerani sulinngiffeqaraangat ilinniarsimanngitsumik paarlatsseqakkajuttarpoq.

Nalunngilarput sukkulluunniit ajutoortoqarsinnaasartoq, immami nunamilu soorlu ipisoqar-sinnaavoq uummamilluunniit unittoortoqarsinnaasarluni. Arlaatigut nunaqarfimmi taamatut ajutoortoqartillugu nunaqqatigiit ikioqatigiinnissaat sillimanissaallu pingaarutilerujussusarpoq.

Nunaqarfiit imaluunniit Isorliunerusut ajutoortoqartillugu imaaliillaannaq nakorsanik tikinneqariaannaaneq ajorput ilaannilu akunnerpassuit imaluunniit Ullut arlerlugit ikiuiartortussanik utaqqisoqarsinnaasarpoq, tamanna nunaqqatigiinnut annertuumik kingunerlutsitsisarpoq toqqissisimajunnaartitsisarlungilu.

Nunaqarfinni sillimaniarneq annertusarneqassappat najoqqutassanik ersarissunik nunaqqatigiillu ilisimasassaannik peqartariaqarpoq, assersuutigalugu ajutoortoqarpat kommunip allaffiani sulisut, qatserisartut, kommunefogedet, nunaqarfinni aqutsisut, peqqissaavimmi sulisoq sussappat? Ataqqatigiissaakkamik sillimaniarneq amigaataasartoq nunaqarfiit ilaanni takutinneqartareerpoq.

Nuannaraara Kommuni Kujallermi peqqinnissaqarfimmi nakorsaq nunaqarfimmiunut ikiueq-qaarnermik neqerooruteqarniarluni pilersaaruteqarmat, siunertaralugu arlaatigut ajutoortoqar-tillugu kikkulluunniit ikiuigasuarsinnaanerat. Isuma tamanna sinerissamut tamarmut iluatinnaateqartorujussuuvoq inuup inuunera ikiueqqaanermik ilinniarsimalluni annaanneqarsinnaammat.

Isuma tamanna tungavigalugu siunnersuutigaara, peqqinnissaqarfiit qitiusut aaqqissugaannik nunaqarfiit akisussaaffigineqartut innuttaasui ikueqqaanermik pikkorissarnissamut neqeroor-figineqarnissaannik suliaqartoqassasoq. Tamannalu piviusunngortinneqarsinnaavoq pilersaarutaa-reersut malillugit nakorsat nunaqarfinnut angalanerini.

**Pisortanut aningaasatigut allaffissornikkullu kingunerisassat:**

Piomasagaataareerpoq nunaqarfiit nakorsanik ukiumut tikinneqartarnissaat. Nunaqarfiit nakorsanik tikinneqartillugit innuttaasunik ikueqqaarnermut pikkorissaanerit neqeroorutigineqarsinnaapput annerusumik aningaasarpassuarnik atuinngikkaluarluni, aningaasaliissutaa sinaakkusersorneqarsinnaavoq kr. 200.000,00.

**Namminersorluni inuussutissarsiuteqarnermut aningaasatigut allaffissornikkullu kingunerisas-sat:**

Soqanngilaq

**Innuttaasunut aningaasatigut allaffissornikkullu kingunerisassat:**

Soqanngilaq